



## Universitätsbibliothek Paderborn

### **Meditationes De Præcipvis Fidei Nostræ Mysteriis**

Vitæ ac Passionis D.N. Iesv Christi; Et B.V. Mariæ; Sanctorumq[ue] et  
Euangeliorum occurrentium Cum Orationis Mentalis circa eadem praxi In  
sex partes tributæ

Qvæ Meditationes Complectitvr circa omnia Christi Domini Acta, ab eius  
Baptismo ad finem vsque Prædictionis, Doctrinam, Miracula, Parabolas

**Puente, Luis de la**

**Coloniae, 1612**

§. 6. De vitæ contemplatiuæ excellentijs.

[urn:nbn:de:hbz:466:1-54633](https://nbn-resolving.org/urn:nbn:de:hbz:466:1-54633)

DE VITAE CONTEMPLA-  
tiue excellentijs.

§.6.

a Lu. 10. 42



D Tho. 2. 2

q. 182. a. 1.

c. 2.

b Iob. 15. 16.

CONCLVDENS tandē Chri-  
stus, quòd intendebat a *Ma-  
ria*, inquit, *optimam partem  
elegit, qua non auferetur ab  
ea.* In qua sententia illud  
est primū obseruādum, li-  
cet Christus asseruerit: *Ma-  
riam meliorem eam partem, quæ Con-  
templationis est, elegisse, vt quæ libertate arbi-  
trij sui ad illam vitæ rationem se accommo-  
dasset; fontem tamen & originem talis ele-  
ctionis fuisse gratiam & DEI inspirationem,*  
quæ Mariæ voluntatem ad eam permouit:  
nam etiam in his viuendi rationibus locum  
habet, quòd Christus aliquandò discipu-  
lis dixit: *b Non vos me elegistis, sed ego ele-  
gi vos,* pertinetque ad Spiritum sanctum,  
vt aliàs distribuit, hanc etiam gratiam  
cui velit, & cui ad salutem perfectionem  
conuenit, inspirare; sed ne tamen vllus se  
ab ea, quoad poterit, procuranda excuset,  
dixit Christus: *Mariam eam vitæ ratio-  
nem elegisse; quæ, ipso authore, ACTIVAE  
præferenda est, quam elegerat Martha; eò  
quòd illa summo bono, à quo omnis proma-  
nat bonitas, sit magis coniuncta; faciatque*

homi

hominem DEO similiorem, & Angelis eius; & nobilissimas duas animæ facultates, intelligentiam & voluntatem perficiat: illam quidem excellentissimo sapientie actu, quæ est ipsius DEI cognitio, illustrando: hanc vero excellentissimo & heroico charitatis actu, qui est DEI amor, inflammando; & ut ab hoc oritur amor erga proximum; ita ex contemplatione perfectio procedit operum externorum. quia fervorem eis, spiritum, dulcedinem, & plenitudinem impertit.

HIS excellentijs eam quoque Christus adiunxit, *qua non auferetur ab ea.* atque si diceret: nec propter causas, quas adfers; nec ob querelas, quas proponis, Mariæ auferam partem, quam elegit; ut tuam amplectatur: quæ etsi bona sit, illius tamen est melior. Hoc adimplet Christus tribus modis.

II.

PRIMUM, quia quem singulariter ad eam vitæ rationem vocavit, nunquam, quod in se est, ab ea reuocat; aut ab alio reuocari probat; aut, ab ipso vocato, ob humanas apparentes rationes persuasionesve deseri, placet; sed vult potius eum in arrepto instituto ad finem vsque vitæ perseuerare.

SECUNDO, quos inspiratione motioneque sua ad excellens hoc exercitium inuitat & deducit, nec ipse certis suis ac designatis horis illud exequi impedit; nec,

vt alij apparentibus eos virtutis titulis impediunt, probat: potiùs eos, vt hic Mariam, defendit, & in illorum defensionem illud Canticorum vsurpat. *c. Adiuro vos filia Hierusalem, ne suscitatis, nec euigilare faciatis dilectam, quoad vsq; ipsa velit*; quasi dicat, ne dulcem Contemplationis somnum quietemque, qua mecum gaudet, turbetis; donec desiderio suo ac necessitati satisfaciatur: nam cum ipsius voluntas mea sit valdè coniuncta, tunc ipsa excitari ab eo homine volet, cum id mihi placere intelliget. Ideoque cum vel proximi charitatem, vel Superioris obedientiam aliud exigere, animaduertet, statim accurret.

*c. Cant. 2. 7.  
& 3. 5.*

*D. Tho. 2. 2.  
q. 180. a. 4.  
& q. 181.  
a. 4.*

*Lib. vlt de  
Ciu. Dei ad  
finem.*

*Deniq;* nunquam Deus electis suis auferet contemplationem, quam hic inchoarunt; sed eam perficiet: in morte enim, etsi Actiua vitæ cessent actiones, nunquam tamen DEI contemplatio cessat, in qua beatitudo & æterna vita consistit. Vt enim Augustinus ait: *ibi vacabimus, & videbimus, amabimus, & laudabimus*: ibi DEVS sine fine videbitur; sine fastidio amabitur; sine fatigatione laudabitur.

Hoc munus, hic affectus, hic actus erit in omnibus; in quo per omnia seculorum secula perdurabimus.

Amen.